



上清洞真元經五籍符
太一五神奉五符奉五籍上請帝君混合之
道求長生神仙之訣

張四




五神內寶符太一帝君混化合景之道也可
以本命日書五符共盛者錦囊中帶之長生
不死

又常以本命之月月中有本命之日時入室
書五符向王頓服之畢祝曰

太一五神籍記生年千年萬歲與天同齡帝
君把符命壽不傾


若欲數服此符者常以五月五日七月七日
九月九日夜時乃佳



五籍五混符化必生壽




右符以白紙青書之




右符以白紙雌黃書之



右符以白紙丹書之



右太一制三鬼七鬼寶符



右太一寶神招帝君符以八節日月中時朱書白紙服之畢祝曰

太上三玄帝君在竟太一五靈保竟安身紫房有命制勅百神帝君太一內精神符合十二首皆太上元精之氣也至真至秘不得妄傳其別復有太一外訣符文大異者乃皆中祕帝昌經上文也非此真者用之無效兆善敬慎之



右太一帝君解三關十二結胎內符以本命若八節日欲行解結時先吞此符三枚向本命方以真朱書青竹中白膜生於堅節之內逐虛中而受靈也故書竹膜為解結節文也
上清洞真元經五籍符

正一天師清微弟子 洪百堅 製作
道教學術資訊網站

白羽黑翹靈飛玉符

張五

元始九天父母太真丈人同宴景龍之輿從
森林千真萬騎飛仙巨虬御輪流電迅煙縱
體適運口歌靈篇追遠玄丘之洞解憇清波
之邊遊盤紫虛之館息駕無崖之端是時天
元煥明五晨迴光三素流雲紫煙吐芳飛香
繞日馥散太無華光交煥三燭合明凝真上
契咀嚼日根養玄注虛披朗金章洞嘯九微
靈暢瓊玉也軒妙思感於太寂內念啓於
自然以明上皇元年三月三日元始啓旦忽
致玄靈垂降白鸞之車黑翹之鳳口銜素章
飛行羽經登空步虛真訣玉精飛仙導煙羣
神衛靈養鶴九霄之上煥赫玉虛之庭來降
於太真玄授寶經是日太真丈人方退齋上
清時太帝君紫微三素元君天帝君太微天
帝君高上玉皇之賓咸同降坐焚百和之香
置五色神官浮號玉位列位紫宮眾真禮經
旋行三周三素元君起立西向發玄朗之音
誦慶真羽章以讚神經其辭曰
鶴沫太虛館 靈風散奇香 蕭蕭玄景上